

# REKNESKAPSÅRET 2018



## Rådet si årsmelding 2018

- **Årsrekneskap**
- **Noter**

*Alden hamneområde er eit samarbeidsprosjekt mellom kyst- og fjordkommunar i Ytre Sogn og Sunnfjord; Askvoll, Fjaler, Flora, Førde, Gaular, Hyllestad og Naustdal.*

*Alden hamneområde.*

Alden hamneområde vart etablert hausten 2011 og starta verksemda 1. januar 2012, samstundes med at den nye Lov om Hamnar og Farvatn tok til å gjelde fullt ut.

Arbeidet er organisert som eit § 27 samarbeid, som skal sikre at kommunane får oppfylt sine krav, samstundes som ein får utnytte stordriftsfordelane og spisskompetansen som finnast i eksisterande organisasjonar.

Alden hamneområde er oppretta for å ivareta deltakarkommunane sitt ansvar etter Lov om Hamnar og Farvatn, samt dei til ei kvar tid gjeldande forskrifter.

Flora Hamn KF krev inn anløpsavgift for medlemskommunane og står som operatør for planlegging, utføring og dokumentasjon av tiltak som har med tryggleik i sjøområdet som er omfatta av hamneområdet.

Flora Hamn KF tek og ein del sakshandsaming etter Lov om Hamner og Farvatn for kommunane som er med i samarbeidet.

Samarbeidet har fungert godt og det har vore to rådsmøter i 2018.

Samarbeidet leiest av eit råd bestående av ein representant frå kvar kommune som er med i samarbeidet. Vidar Grønnevik er valt som leiar for rådet.

Monica Sande frå Bremanger kommune har fram til sommaren 2018 vert leigd inn i inntil 50 % stilling i samarbeidet. Etter dette er det nytta egne ressursar til å utføre dette arbeidet. Hovudkontaktperson i Flora hamn KF er hamnesjef Linda Mortensen Midtbø. Dedisert person for merkeplan/tiltaksplan er senior hamneinspektør Tore Hovden.

### **Økonomiske resultat 2018**

Alden hamneområde hadde ei omsetning i 2018 på Kr 5 315 400.

Årsresultatet enda i 2018 på Kr 744 130 før avsetnad til tryggleikstiltak.

Positivt netto driftsresultat i 2018 på Kr 744 130 skal nyttast til konkrete tryggleikstiltak i hamneområdet, som utdjuping, merking, tryggleiksmateriell m.m. og vert difor avsett til slikt formål i rekneskapet.

Regelverket set strenge krav til kva anløpsavgift kan nyttast til og føreset at innkravd anløpsavgift i si heilheit skal nyttast til formålet slik at det totalt sett resulterer i eit 0-resultat over ein 3 - 5 årsperiode.

Akkumulert resultat for første femårsperiode (2012-2016) inkl. alle tilskot som var løyvd utgjor pr. 31.12.2016 kr 2.162.212 og vart overført til neste femårsperiode.

Akkumulert resultat for §27 samarbeidet var pr. 31.12.2018 kr 4 903 611.

### **Utdjuping av Værlandet hamn i Askvoll kommune:**

Etter å ha gjennomført forprosjektet til utdjuping av innseglinga til Værlandet hamn i 2016 har ein i 2017 og 2018 jobba med hovudprosjektet. Hamnerådet i Alden hamneområde gjorde vedtak i og ta tiltaket – utdjuping i Værlandet hamn inn i handlingsplanen for Alden hamneområde for åra 2017 og 2018. Askvoll kommune har fått godkjendt tilskot over statsbudsjettet kap. 1360 post 60 til utdjuping i Værøy hamn. Tilskotssøknaden vart handsama i samarbeid med statsbudsjettet for 2018, og det vart løyvd 1,72 millionar til utdjuping i Værlandet hamn. Prosjektet er no ferdigstilt og løyvingane til Askvoll kommune er utbetalt.

### **NOU 2018: 4, Sjøvegen vidare – Framlegg til ny hamne- og farvannslov**

Havne- og farvannslovutvalget overleverte sin utredning til Samferdselsdepartementet 1. mars 2018 om ny hamne- og farvasslov. Denne var på høyring våren 2018, med høyringsfrist 15 juni 2018. I høyringa kom det fram at særskilt punktet om kommunal kontroll på farvatnet, inkludert inndraging av anløpsavgift, samt punktet om høvet til å ta ut utbytta frå hamneføretaka var dei mest omstridde. Samferdselsdepartementet varsla i februar 2019 at dei vil levere framlegg til ny hamne- og farvasslov til Stortinget i løpet av 2019. Nøyaktig tidspunkt er ikkje informert om, men det vert sett i samanheng med ny nærskipfartsstrategi og nasjonal hamneplan og andre relevante handlingsplaner.

### **Ny kommunelov**

Etter at kommunelova vart vedtatt 8. juni 2018 er det klart at §27 samarbeidsforma vert vidareført, men i endra form. Dagens §27 selskap må omdanne seg enten til kommunalt oppgåvefelleskap eller interkommunalt politisk råd, alternativt anna selskapsform (IKS, AS eller SA) seinast fire år etter at kommunelova trår i kraft. Punktet som omhandlar §27 trer i kraft første ordinære kommunestyremøte etter kommunevalet hausten 2019. Alden hamneområde kjem ikkje under vilkåra til interkommunalt politisk råd, så det må vere enten kommunalt oppgåvefelleskap eller anna selskapsform. Det er kommunestyra sjølv som må treffe vedtak om omdanning til ny selskapsform og vedta ny samarbeidsavtale.

### **Kommunesamanslåing**

Frå 01.01.2020 vert kommunane Førde, Gaular, og Naustdal slått saman med Jølster til Sunnfjord kommune. Flora kommune vert frå same dato slått saman med Vågsøy kommune til Kinn kommune. Flora kommune har Flora hamn KF som sitt hamneselskap og Vågsøy kommune er ein av fire deltakarkommunar i Nordfjord hamn IKS. Korleis dette vert organisert vidare er ikkje avgjort enno, dette er venta avklart i løpet av juni 2019.

Kvar av dei samarbeidande kommunane kan sei opp sitt deltakarforhold i Alden hamneområde før 1.juli det einstilte år, oppseiingstida er 12 månader. Vedtak om uttrede frå ein kommune skal ha basis i eit vedtak i gjeldane kommune- eller bystyre. Før handsaming i det gjeldane kommunestyret skal saka vere forelagt hamnerådet i Alden. Vedtektene for Alden hamneområde er datert 10.11.2011 og revidert 05.11.2014. Endring av vedtektene kan kun gjerast av kommune- /bystyre i dei samarbeidande kommunane. I så tilfelle må alle dei nemnte kommune-/bystyra vedta likelydande vedtektsendringar.

### **Arbeidsmiljø**

Arbeidsmiljøet vert vurdert som tilfredsstillande.

Det er ikkje rapportert om skader eller ulukker på arbeidsplassen som har medført sjukefråver i 2018.

### **Likestilling**

Alden hamneområde har i 2018 ikkje hatt tilsette, då det er tilsette i KF Flora Hamn og Bremanger Hamn som har utført oppgåvene slik at kostandane med desse er fordelt i forhold til oppgåvefordelinga. Rådet har hatt sju medlemmar, derav ei kvinne og seks menn. Styreleiar er mann.

### **Forsking og utvikling**

Det er ikkje gjennomført forskings- og utviklingsaktivitetar i selskapet i 2018.

## Rådet for Alden hamneområde

Førde 10. april 2019.

---

Vidar Grønnevik  
Rådsleiar

---

Margun Hyenes  
Nestleiar

---

Bernhard Øberg  
Rådsmedlem

---

Fritz Hugøy  
Rådsmedlem

---

Magnar Hellebust  
Rådsmedlem

---

Gudmund Solheim  
Rådsmedlem

---

Steinar Kvame  
Rådsmedlem